



KANTON SARAJEVO
Kantonalna uprava za
inspekcijske poslove

CANTON SARAJEVO
Cantonal Administration for
Inspection Issues

Broj: 14-01-49-02330/13

Datum, 1.8.2013. godine

Zbog prisutne problematke na području Kantona Sarajevo, u oblasti javnog vanlinijskog prijevoza putnika - taxi prijevoza kao i sve intenzivnije pojave prijevoza za vlastite potrebe - iznajmljivanje vozila sa vozačem rentacar prijevoza, smatramo potrebnim izvjestiti Vas o stanju na terenu, kao i aktivnostima koje je poduzela Kantonalna uprava za inspekcijske poslove putem Inspektorata saobraćajne i cestovne inspekcije - kantonalne saobraćajne inspekcije u periodu od 01.01.2013. do 31.07.2013.godine.

Prioritet u programskim zadacima kantonalne saobraćajne inspekcije dat je inspekcijkim nadzorima u ove dvije vrste prijevoza što predstavlja samo jedan segment iz nadležnosti saobraćajne inspekcije.

Kantonalna saobraćajna inspekcija je u kapacitetu kojim raspolaže u pogledu broja izvršioaca u periodu 01.01.2013. do 31.07.2013.god. uz asistenciju Ministarstva unutrašnjih poslova kontinuirano vršila pojačani inspekcijki nadzor taxi i rentakar prijevoza.

U tom smislu organizovan je rad u dvije smjene, rad u dane vikenda, zajednički pojačani inspekcijki nadzori u saradnji sa federalnom saobraćajnom inspekcijom.

Nakon donošenja Zaključka Vlade Kantona Sarajevo broj:02-05-17477-34/13 od 13.06.2013.god. kantonalnim saobraćajnim inspektorima uveden je prekovremeni rad, a sve sa ciljem prisustva saobraćajnih inspektora na terenu u poslijepodnevnim i noćnim satima kao i u dane vikenda.

Napominjemo da trenutno poslove inspekcijskog nadzora u oblasti taxi i rentacar prijevoza, obavljaju tri (3) inspektora, dok jedan (1) kantonalni saobraćajni inspektor postupa po službenim zabilješkama MUP-a i vrši nadzor nad javnim linijskim prijevozom.

U cilju realizacije planiranih zadataka, kantonalni saobraćajni inspektori su bili primorani pomjeriti i planirane godišnje odmore te je radom na terenu bez odmora u dane vikenda, dovedena u pitanje fizička i zdravstvena sposobnost istih.





KANTON SARAJEVO
Kantonalna uprava za
inspekcijske poslove

CANTON SARAJEVO
Cantonal Administration for
Inspection Issues

U periodu od dana stupanja na snagu Pravilnika o dopunama Pravilnika o tehničko-eksploatacionim uslovima za vozila kojima se obavljaju pojedine vrste prijevoza kao i isteka roka iz člana 4.istog) prioritet u inspekcijkim nadzorima dat je kontroli vozila kojima se obavlja rentakar prijevoz.

Pored neposrednog inspekcijkog nadzora kantonalnih saobraćajnih inspektora na terenu kao prioritetni programski zadatak u ovom periodu je i rad po službenim zabilješkama Ministarstva unutrašnjih poslova koje su sačinjene i proslijeđene na dalji postupak u skladu sa odredbama Zakona o cestovnom prijevozu u Federaciji Bosne i Hercegovine.

Ovdje želimo naglasiti da je Ministarstvo unutrašnjih poslova nakon donošenja Zaključka Vlade Kantona Sarajevo intenziviralo ovaj vid nadzora taxi prijevoza.

Sve gore navedene poduzete mjere rezultirale su značajnim pomacima u odnosu na predhodni period u pogledu broja izvršenih inspekcijkih nadzora, broja donesenih upravnih mjera, broja izdatih prekršajnih naloga te poboljšanja sveukupnog stanja na terenu.

Broj izvršenih inspekcijkih kontrola kao i donesenih upravnih mjera u periodu od 01.01.2013. do 31.07.2013.god. dat je tabelarno kako slijedi:

Tabela 1

Tabelarni prikaz izvršenih inspekcijkih nadzora i donesenih upravnih mjera u periodu od 01.01.2013.do 31.07.2013.god.

BROJ KONTROLA	UPRAVNE MJERE		PREKRŠAJNI NALOZI	
	BROJ VOZILA ISKLJUČENIH IZ SAOBRAĆAJA	BROJ RJEŠENJA O ZABRANI OBAVLJANJA PRIJEVOZA	BROJ IZDATIH PREKRŠAJNIH NALOGA	VISINA IZREČENIH KAZNI KM
1123	81	169	300	132.700 KM





KANTON SARAJEVO
Kantonalna uprava za
inspekcijske poslove

CANTON SARAJEVO
Cantonal Administration for
Inspection Issues

Tabela 2.

Tabelarni prikaz broja izdatih prekršajnih naloga i visine izrečenih kazni razvrstan po subjektima kontrole u periodu od 01.01.2013.do 31.07.2013.god.

SUBJEKTI KONTROLE	BROJ IZDATIH PREKRŠAJNIH NALOGA	VISINA IZREČENIH KAZNI KM
PRAVNA LICA	140	104.050 KM
FIZIČKA LICA	160	28.650 KM
U K U P N O	300	132.700 KM

Tabela 3.

Tabelarni prikaz donešenih upravnih mjera i izdatih prekršajnih naloga na osnovu službenih zabilješki Ministarstva unutrašnjih poslova u mjesecu julu 2013.

BROJ RJEŠENJA O NALAGANJU MJERA	BROJ RJEŠENJA O ZABRANI OBAVLJANJA PRIJEVOZA	BROJ IZDATIH PREKRŠAJNIH NALOGA	VISINA IZREČENIH KAZNI KM
85	47	53	23.000 KM

Tabela 4.

Zbirni Tabelarni prikaz izvršenih inspekcijkih nadzora i donesenih upravnih mjera na osnovu neposrednog inspekcijskog nadzora na terenu i na osnovu službenih zabilješki Ministarstva unutrašnjih poslova u periodu 01.01.2013.do 31.07.2013.godine

BROJ KONTROLA	UPRAVNE MJERE		PREKRŠAJNI NALOZI	
	BROJ VOZILA ISKLUČENIH IZ SAOBRAĆAJA	BROJ RJEŠENJA O ZABRANI OBAVLJANJA PRIJEVOZA	BROJ IZDATIH PREKRŠAJNIH NALOGA	VISINA IZREČENIH KAZNI KM
1208	81	216	353	155.700 KM





KANTON SARAJEVO
Kantonalna uprava za
inspekcijske poslove

CANTON SARAJEVO
Cantonal Administration for
Inspection Issues

Iz gore navedenih pokazatelja nesporno se može utvrditi da je kantonalna saobraćajna inspekcija uz maksimum napora uspjela da represivnim mjerama u dobrom dijelu poboljša sveukupno stanje na terenu što će i u narednom periodu biti osnovni programski zadatak.

Pored saobraćajnih inspektora u inspekcijke nadzore u navedenoj oblasti, aktivno su uključeni kantonalni tržišno-turistički inspektori, kantonalni inspektori rada kao i kantonalni sanitarni inspektori. Postupajući u okviru svoje nadležnosti, ove inspekcije su izdale 15 prekršajnih naloga u novčanoj vrijednosti 22.000, 00 KM.

Uključivanje u inspekcijske nadzore naprijed navedenih inspekcijskih organa na terenu se pokazalo kao efikasno, pa je planirano da se zajednički inspekcijski nadzori nastave.

U cilju povećanja učinkovitosti i efikasnosti kantonalnih saobraćajnih inspektora smatramo da bi Ministarstvo saobraćaja Kantona Sarajevo, trebalo poduzeti sljedeće mjere:

- Ubrzati već započeti proces donošenja kantonalnog propisa u oblasti taxi prijevoza u smislu odredbi članova 10.i 42. Zakona o cestovnom prijevozu ("Službene novine Federacije BiH" broj. 28/06 i 02/10) imajući u vidu da je nadležni organ Kantona imao obavezu usklađivanja kantonalnog propisa u ovoj oblasti zaključno sa 26.04.2010.god.
- Podnijeti urgenciju Federalnom ministarstvu prometa i komunikacija u vezi već podnijete inicijative za izmjenu Zakona o cestovnom prijevozu i to u pogledu člana 6. i člana 57. istog Zakona.
- Podnijeti urgenciju Federalnom ministarstvu prometa i komunikacija u vezi već podnijete inicijative za izmjenu Pravilnika o posebnim uslovima za motorna vozila kojima se obavlja prijevoz ("Službene novine F BiH " broj 7/07 i 86/07) i to u pogledu člana 5. i 9.
- Preispitati pravnu valjanost već izdatih rješenja o koje se odnose na ispunjavanju TEU.
- Po službenoj dužnosti izvršiti ukidanje licence "D" za pravna i fizička lica koja više ne ispunjavaju uslove za posjedovanje iste.
- Sve podnesene zahtjeve za dobivanje dopunske taxi oznake rješavati u rokovima propisanim Zakonom.
- Realizovati tačku 5. Zaključka Vlade Kantona Sarajevo broj:02-05-17477-34/13 od 13.06.2013. god. koja se odnosi na pripremu prijedloga sistemskog rješavanja problema u





KANTON SARAJEVO
Kantonalna uprava za
inspekcijske poslove

CANTON SARAJEVO
Cantonal Administration for
Inspection Issues

oblasti taxi prijevoza u Kantonu Sarajevo, s obzirom da je rok za realizaciju iste bio 15 dana, te da je utvrđeni rok već istekao.

Napominjemo da je Kantonalna uprava za inspekcijske poslove, **obaveze utvrđene u tač. 2. i 3. naprijed navedenog Zaključka u cjelosti ispunila. Naime, kao što se vidi iz gore navedenih pokazatelja inspekcijski nadzori su intezivirani, a postupak prijema u radni odnos kantonalnih saobraćajnih inspektora (6 izvršioaca) pokrenut kod Agencije za državnu službu Federacije Bosne i Hercegovine.**

Iz svega gore navedenog može se zaključiti da su svi resursi Kantonalne uprave za inspekcijske poslove Kantona Sarajevo, u okviru raspoloživih kapaciteta maksimalno uključeni u rješavanje prisutne problematike.

Poduzete aktivnosti u ovom organu će biti nastavljene i u narednom periodu, međutim bez poduzimanja naprijed predloženih mjera od strane resornog ministarstva i povećanja broja izvršilaca, odnosno okončanja procedure izbora kantonalnih saobraćajnih inspektora po raspisanom konkursu navedeni problem se ne može trajno riješiti.

S poštovanjem,

DIREKTOR
Heni – Erduan Ćesir

